

商 務

二

正 月

商人積習識見狹小心志不齊各懷其私罔顧大局卽如絲茶兩項爲出口貨之大宗往往以散商急思出脫跌盤爭售而一二殷實巨商亦爲牽累其他貨物之作僞攙雜卒至虧本者難以枚舉有商會則亟宜聲明罰例儆戒將來此則剔除內弊之說也中國地大物博百貨殷闐特製造未精販運不廣利歸外溢亟待挽回卽如玻璃紙張洋蠟肥皂之類凡洋貨之適於民用者皆華商力能仿造之貨如果辦理得法逐漸擴充不徒自造自用並可詳探各國市情以廣銷路有商會則必應議設公司藉圖抵制此則考察外情之說也惟商會之設其中詳細節目應由各商自行集議酌定簡章具報臣部查核至提綱挈領臣部實總其成入手之方端資提倡臣等公同商酌謹擬商會簡明章程二十六條繕具清單恭呈 御覽如蒙 俞允卽由臣部刊刻頒行並擬勸諭各業之商務較巨者先在 京師倡設商會以開風氣之先至外省各業商人有能併心壹志籌辦商會者應責成該處地方官該商等將會章呈案時卽行詳報督撫咨部不得稍有阻遏以順商情此項章程將來或有增改之處仍當隨時奏明辦理所有臣等酌擬商會簡明章程緣由理合恭摺具 奏伏乞 皇太后 皇上聖鑒謹 奏光緒二十九年十一月二十四日奉 旨依議欽此

商部擬定商律摺

奏爲遵 旨擬訂商律謹先將公司一門繕冊呈 覽恭候 欽定事竊臣載振於光緒二十九年三月二十五日奉 上諭通商惠工爲古今經國之要政急應加意講求著派載振袁世凱伍廷芳先訂商律作爲則例等因欽此仰見 朝廷慎重商政力圖振興之至意維時伍廷芳在上海會議商約臣載振曾與函商先將各國商律擇要譯錄以備參攷之資旋於七月十六日奉 旨設立商部伍廷芳復承 簡命補授臣部侍郎於八月間來京臣等與之公同籌議當以編輯商律門類繁夥實非尅期所能告成而目前要圖莫如籌辦各項公司力祛曩日渙散之弊庶商務日有起色不至坐失利權則公司條例亟應先爲妥訂俾商人有所遵循而臣部遇事維持設法保護亦可按照定章覈辦是以趕速先擬商律之公司一門並於卷首冠以商人通例於脫稿後函寄直隸督臣袁世凱會商在案嗣准軍機處交片內開十一月十一日奉 上諭袁世凱差務太繁請開去各項兼差一摺商務商律現已設有商部即著責成該部詳議妥訂等因欽此並准該督咨同前因自應欽遵辦理茲將商律卷首之商人通例九條暨公司律一百三十一條繕具清冊恭呈 御覽如蒙 俞允即作爲 欽定之本應由臣部刊刻頒行此外各門商律仍由臣等次第擬訂奏明辦理現在伍廷芳奉 旨調補外務部侍郎臣等深悉該侍郎久歷外洋於律學最爲嫻熟嗣後籌

商 務

四

正 月

議商律一切事宜仍隨時與該侍郎會商以期周妥所有擬訂商律先將公司一門繕冊呈候 欽定緣由理合恭摺具陳伏乞 皇太后 皇上聖鑒訓示謹 奏奉 旨依議欽此

奏定商會簡明章程二十六條

第一款 本部以保護商業開通商情爲一定之宗旨惟商民散處各省風尚不同情形互異本部勢難周知其隱鉅細靡遺自應提綱挈領以總其成至分條繫目則在各省各埠設立商會以爲衆商之脈絡也

第二款 凡各省各埠如前經各行衆商公立有商業公所及商務公會等名目者應即遵照現定部章一律改爲商會以歸畫一其未立會所之處亦即體察商務繁簡酌籌舉辦至於官立之保商各局應由各督撫酌量留撤

第三款 凡屬商務繁富之區不論係會垣保城埠宜設立商務總會而於商務稍次之地設立分會仍就省分隸於商務總會如直隸之天津山東之煙臺江蘇之上海湖北之漢口四川之重慶廣東之廣州福建之廈門均作爲應設總會之處其他各省由此類推

第四款 商務總會派總理一員協理一員分會則派總理一員應由就地各會董齊集會